

Alegria y Fantasía

cu BON DIA ARUBA

Wei Lin Tromp, Reina Infantil Noord



Coroná pa Imelda Eckmeyer, Mama di Carnaval di Noord, e Reina Infantil di Noord Wei - Lin Tromp a haci su promé caminata bao di un aceptacion total di su público.

Como promé finalista a keda Emiline Kelly.

Durante e anochi aki Sra. Imelda Eckmeyer a ricibí un sjerp pa 30 aña cu ta coordiná Carnaval di Noord.

E aña aki Noord un

biaha mas lo tin su acostumbrado Coco Yoco Yam y tambe su parada di Mucha.

Y nos a caba di yama oficina di SAC p'asina por haya mas informacion riba cuanto candidata tin e aña aki pa e Eleccion di Reina di Carnaval Infantil cu lo tuma lugar dia 10 di February pa 7'or den Entertainment Center, pero te ainda nada, ya cu e reunion ta

still going strong.

Centro di Barrio Brazil ta organizá un tremendo jump-in cu animacion musical di Energy Brass y tambe Sensacion del Caribe, Diadomingo 5 di February 1995, na Centro di Barrio Brazil.

Ora ta di 6'or te cu 11'or anochi.

Bini uno, bini tur pa nos tur drenta den e dushi ambiente di nos Carnaval 41.



E Mama di Carnaval di Noord aki ta ricibí su premio pa e trabao hopi bon haci pa e pueblo di Noord. E aña aki Noord ta celebrá 30 aña ta celebrando Carnaval y su Carnaval di Mucha ta den porta. Tambe Noord ta sigui cu su Coco Yoco Yam. Un ehempel pa e otro barionan.